

## Edizione diplomatica

<p>Image not found <b>Untitled%208_3.png</b></p>	<p><b>Jaufre Rudel.</b> Bel m'est l'estius, e 'l temps fluritz E' ls auzels chanton sotz la flor; Mai ieu tenc l'ivern per gensor, Car mais de ioi mi es cobitz: E cant hom ve son iauzimen, Es ben razos, et avinen, Com sia cueintes, e gais.</p>
<p>Image not found <b>Untitled%209_3.png</b></p>	<p>Er ai ieu ioi, e soi iauzitz, E restauratz en ma valor; E non irai iamais aillor; <b>Ni conquerrai autruis conquitz;</b> Qu'eras sai ben ad essien, Que sol es savais qui aten, E sel es fol, qui trop s'iraies.</p>
<p>Image not found <b>Untitled%2010_1.png</b></p>	<p>Lonc temps ai estat en dolor, E de tot mon afar marritz, C'anc no fui tant fort endurmitz, <b>Que no m'reisides degpaor.</b> Mas eras vei, e pes, e sen, Que passatz sui d'aisel turmen, E no i vueill tornar iamais.</p>
<p>Image not found <b>Untitled%2011_1.png</b></p>	<p>Molt m'o tenon à gran honor Tug silh, a cui non soi peditz; Car à mon ioi soi revertitz; <b>E laus en Dieu, e leis, e lor,</b> Quer an lur grat, e lur prezen: Lai mi rimanh, e lai m'apais.</p>
<p>Image not found <b>Untitled%2012_2.png</b></p>	<p>Mai per so men soi escarzitz; Ia non creirai lauzeniador, Car non soi tan lonhatz d'amor, <b>Quer non sia sals, e gueritz.</b> Plus savis hom de mi mespren, Per quieu sai be ad essien, C'anc fin amors home non traïs.</p>

<p>Untitled%2013_1.png</p> <p>Image not found  <a href="https://letteraturaeuropea.let.uniroma1.it/sites/default/files/Untitled%2013_1.png">https://letteraturaeuropea.let.uniroma1.it/sites/default/files/Untitled%2013_1.png</a></p>	<p>Meills mi fora iazer vestitz,      E pueſc vos en traire auctor,      Que despoillatz sotz cobertor      La nueit, cant ieu soi assaillitz.  <b>Tostemps n'aurai mon cor dolen,</b>      C'asisis n'aneron rizen,      Quenquer en sospir, e'n patais.</p>
<p>Untitled%2014_1.png</p> <p>Image not found  <a href="https://letteraturaeuropea.let.uniroma1.it/sites/default/files/Untitled%2014_1.png">https://letteraturaeuropea.let.uniroma1.it/sites/default/files/Untitled%2014_1.png</a></p>	<p>Mais d'una re soi en error,      E n'estai mos cors esbaitz,      Que tot can lo fraire'm desditz,      Aug autreiar à la seror.  <b>E nuills hom non a tan de sen,</b>      Que pueſc'aver cominalmen,      Que ves calque part non biais.</p>
<p>Untitled%2015_1.png</p> <p>Image not found  <a href="https://letteraturaeuropea.let.uniroma1.it/sites/default/files/Untitled%2015_1.png">https://letteraturaeuropea.let.uniroma1.it/sites/default/files/Untitled%2015_1.png</a></p>	<p>El mes d'Abril, e de Pascor,      Car l'auzel el movon lurs dous critz,      Adoncs vueill mos chans sia'uzitz;      Et aprendetlo chantador,  <b>E sapchatz tug cominalmen,</b>      Quie'm tenc per rics, e per manen,      Car soi descargatz de fol fais.</p>

- letto 809 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/edizione-diplomatica-1304>